

人物志

義行

郭元振傾資周急范甦夫遺舟助喪雖云情不容已豈非質直好義哉然任恤是周惠施里黨唐俗雖勤儉於此風何多讓焉載稽往籍湮沒者固衆近世如保國之捐置學田峻烈之樂輸賑粟或濟饑寒或全名節以及修廢舉墜見義必爲者悉爲載之庶輕財好施之行則踵相接也志義行

田本

性實直篤於行義好施雅爲鄉人推服人有爭辯多質於本必戒飭之不少貸故人有爲非者多懼本知而止時擬之王彥方焉有司鄉飲屢延爲上賓性剛方好義產比素封濟人之急卽傾廩不吝也嘗訓二子寅密曰吾家自先世以來無可言者但於禮義廉恥孝弟忠信八字不敢傷耳及密成進士爲西安令頻行囑之日汝幸試爲吏矣清白貪污惟汝自擇若歸裝時俸資外有一長物必勿見我密遵戒命故歷三令尹一御史如爲士時始以祖謫成家甚貧彥達性孝友治生有方嘗與王經祝明爲賈友經明俱早卒彥達悉撫其子如己子爲擇師教之經婦汪氏得以全其節明子天保得以成進士知縣張天祿有商人士行之褒賓於鄉飲云

李彥達

以上
舊志

郭攀明

唐山人善事繼母尊禮諸兄撫育猶子成名尤好施予資婚助喪凡出貸莫償者屢次焚券至捐助遼餉尤見公忠之氣

孟一任

增生唐山人家貧舌耕供甘旨能色養一門四世雍和無間言曾拒淫奔人稱魯男襟懷高爽又比之叔度舉介賓

王廷輔

唐山人有至性少時竭蹶養親鄉黨稱孝中年勤儉起家自奉泊如而敦族睦鄰周恤婚喪不計貲費冬日遍詢鄉里無衣被者死無棺者咸給之歲將除散給鄉里米麥自一斗至三五斗不等歷久不倦雍正元年八月十九日晨起隆邑趁墟路拾遺金五十兩青錢三千文坐候本人覓至交還鄉家欲鳴縣獎勵

因卻之其陰行善類此他如捐金修文廟平道途濟貧儒不可枚舉卒年七十有一盡

焚借券

郎保國

武生爲人倜儻不羣慷慨好義凡事闢學校者無不竭力勸辦一子元箸入邑庠性好施能繼父志於崇禎七年父子商議願施學田五十二畝地段座落鎮在邢村界明倫堂前現有碑碣可考

王令儀

字慎威乾隆年歲貢性明決排難解紛闔鄉數十年無爭訟

孟鳳翔

字千仞恩貢生家貧誦讀不輟慷慨好義道光辛巳同邑馮生赴都鄉試寓

一樓時值瘟疫流行傳染瀉死者無算馮病不起每起馮鳳翔扶持晝夜數次馮言累君甚尤慮傳染儻愈何以報德答曰生死命也同患難義也儻病而不

前倫常中何貴有朋友靜養無過慮後
馮貲盡醫費鳳翔還之不少吝兼善

黃歧濟
人甚夥

戴瀾

康膳生性直正好博古屢試秋闈不捷
欲振興文教因保障南門舊有文昌閣
係文星久圯無以勵士氣遂倡修除倡
捐多金外復多方婉勸鳩工庀材徹底
重修屹然爲一邑之巨觀其子倚衡中
己卯科舉人任成安縣教諭咸謂好善
報之

李久照

字化成拔貢生設教多年成就四十餘
人咸稱孝廉方正好排難解紛有爭訟
經其理論悉
平鄉賴以安

羅良

字峻烈生員性慷慨好義乾隆二十年
助賑百石遇捐倉咸踴躍爲倡鄉族有

貧乏竭力周恤無吝惜縣公顧廷璠顏其門曰樂善好施子儒術入邑庠孫景煒入府庠曾孫培元歲貢生至今書香不絕

王芳

字聞遠邑增生天資明敏賦質篤厚九歲失恃事母至孝十九入泮家素殷實好憐貧寒士多資栽培嘉慶癸酉年饑米珠薪桂與其堂兄庠生王翰煑粥濟貧自春至秋放粥三月有餘鄉民賴以存活至助婚賻喪排難解紛諸義舉遠邇推服顏其門曰德邁羣倫知縣童公舉爲鄉飲大賓顏其門曰庠門矜式節歲貢王珉賀王先

生榮膺大賓文

李清新

字懷白邑庠生千言村人處家孝友待人忠厚於乾隆五十七年歲大饑民多餓死清新出己粟以濟貧一鄉賴活者甚衆遇鄉中葬殯乏資者悉周之年終

有貧難舉火者亦周濟均不望報並有代人償債焚券等善事不可枚舉子峰邑庠生廉靜寡營不經事務惟以史自娛孫元亨郡增生重義輕財好友樂施咸謂有祖父風曾孫丕字紹堂貢生未冠入泮時曾祖父四世同堂清新八十二歲無疾而逝人咸稱厚德之報

劉遂服

字心容庠生彭村人乾隆五十七年大饑遂服糴米濟鄉半載有餘鄉民賴活者衆鄉人因稱爲善人云

張蘭

字有香武舉田村人性慷慨乾隆五十七年歲荒蘭施白米數十石濟貧無德色後子孫衆多咸有功名人多稱頌

李鍾

字鳴遠太學生木花人事母孝待人厚端方性成退邇推服先後外欠帳債悉

焚券不追及晚年始生

二子咸稱積德之報

郭憑

字碩德干言村人事親以孝聞待人和厚處鄉排難解紛鄉鄰鮮有興訟者歿

後人猶感

慕不忘

宋名山

字振宇文生北樓村人賦性仁慈好善樂施城鄉每有善舉悉出力勸導以襄其事子二振風清風咸入邑庠年八十二歲而歿

盧煥

字一新邑武生急公好義凡興作多資其經理如修文廟城隍龍王八蜡等廟祀典所關必竭力籌辦修書院城郭及團練放粥諸公事亦不辭勞年八旬凡辦公事不倦於勤知縣詳請獎九品職銜

李致中

樸實無文然諾不苟幼貧及長漸裕好輸舍親朋無力婚葬輒傾囊相助自奉

儉約攻子弟讀書不惜資財子二汝玉
汝琦俱入邑庠孫書田亦入邑庠年八
十餘知縣續公申請

恩賜九品壽官

施文輝

壽官性好施予本鄉舊有老君堂傾圯
獨出己貲重修年八十餘子考祥入泮

儒學給子扁額
日典重引年

陳祥麟

字玉書邑武生至性孝友氣質剛方與
諸兄析產擇沃地及存錢舖店均給兩

兄而已受礲薄者人謂有薛包遺風本
族家廟有餘資卽分給族中窮民而無
告者而已不染指姪際春入庠子達春
食餼次子陽春中庚午舉人現選義州

學正

郎好學

字近智拔貢生性狷介幼家
貧不廢讀鄉里有長者之稱

陳五名

字顯親壽官耕讀爲業一生以非義之舉雖小不爲每以安分勸勉同鄉年八十五歲知縣英公顏其門曰望重英耆

張光前

字裕後廩生天資聰敏家雖貧而學不輟平生藹然可親人皆樂與之交遊有爭鬪者婉言勸諭

任之紀

字肇修恩貢生性和平好學安貧鄉中有糾纏難了之事多方勸釋咸稱爲長者課生徒多有成

李清直

字方也號古愚邑廩生爲人方直豁達明大義昆季四人極友愛分產時清直以兄清操子女多片外著兄多分

張廷剛

監生少雖貧而性情豁達不羈後漸裕以忠厚待人不輕然諾同治年間歲歉

收差務繁重鄉民苦之廷剛出己貲貸
墊光緒四年歲大饑輸糧十數石賑鄉
闔村顏其門

曰德洽鄉里

李建瓴

邑庠生西良村人賦性剛直持己方正
待人嚴肅能庇護柔懦良民鄉中無賴
輩咸潛跡不敢煽動

武從林

字生山生員西良村人自幼慷慨好施
設武學有貧而欲就功名者悉代薪水
學之成就甚衆貧不能婚葬者周恤無
怠容處鄉常捨牲於門以待鄉中貧而
無牲者之耕種遇年少乞丐必令飽食
勸改行後適邢鎮遇一人慰門殷勤詢
其姓字追翳桑餓人也生平義
行不勝枚舉卒年六十八歲

卜汝琦

字珍玉邑庠生安塚村人好學不輟至
五十二歲入泮行止端方不苟居家孝

友居鄉

忠厚

卜桂芳

字枝香安塚村人七十九歲急公好義幫辦團防出力給予六品職銜

孟慎

字謹言南汪店人忠厚老成道光二十五年蒙恩賜九品職銜

孟中魁

字貴重南汪店人慷慨容忍光緒二年恩賜銜國瑞

呂自明

字復初崇賢村人能忍好施本鄉重修石橋倡衆不惜財力庀材鳩工入稱利

濟蒙恩賜致仕

郎年八十七歲卒

王禮

字用和南汪店人性好施鄉閭有飢寒者輒周急居家仁睦年八十卒

常金鳴

字謹慎崇賢村人爲人忠正孝慈年八十四卒

李協

字騰輝監生高村人爲人忠厚正直好施

韓泗山

干言村人字樹德僑童性孝友睦鄉敬友排難解紛親友屬其門曰華實並茂

尙興譽

大千言人字震遠附貢生性闊略好輪舍家業中落澹如也子寬增生孫開泰

廩生咸謂

好施之報

張諧

雙碑村人字和律廩生性和平尙義鄉里咸以爲矜式排難解紛人多樂從

張據德

字執巷庠生性明敏好義年沐冠同長兄次兄三人同場入泮分產後家業少

裕事父母養葬皆自備並撫姪等讀書

自備膏火均賴成立至交友處鄉爽愷

好施處至今

猶噴噴人口

郭石麟

東良村人字上遊庠生天資明敏豁達好施與鄉有不能婚嫁悉周之窮不能

舉火者卽給衣食無德色後子孫蕃衍

壽八十餘無疾而終咸謂厚德之報

李有財

字廣施性純篤孝友鄉里咸推厚德子二長德慎次德潤咸入泮壽八十二歲

孟成義

東賈村人性慷慨好義有欠債者極貧慮難償私計賣妻以償成義知急止之

曰錢償細故夫婦大倫何因我債而爲此不情之舉且吾已七旬無子多積何益遂對貧者焚券復給糧米以周之後貧者得二子成義七十餘亦得一子人咸謂爲善之報

羅景煜

字耀彩武童舉耆賓性孝友好施生員羅良孫邑庠羅儒術子也父性好義

縣王童公甚敬重之及老得胃症景煜取藥百里外日夜兼程匍匐而歸父嘆曰誠孝子也咸豐間鄉有一大案拖累平民受累者衆景煜和解理說月餘乃息計進城七十餘次在事中者皆衛之而景煜無德色縣主劉月池曰一鄉

賢士也凡族中有乏嗣者公殯葬之贍有餘產或歸姪輩或歸近族不爲子孫

私之

馬存敬

澤畔村人字賓南邑庠生性正直慨慷好義有疑難大事每就決之嘉慶年間邑中鹽嫌地最多而澤畔寺莊二村尤甚村民賠累幾難存活存敬設法豁除糧租幾三百兩二村窮民賴以安度功德及人至今猶藉藉人口

陳繼學

景福人武庠生平生好直尚義居鄉恤貧濟衆教授生徒講論真切賴成名者十數人內有擢武科者均不受脩金謝儀咸稱厚德

李遇豐

彭村人字聲明衛千總銜性渾樸好義遇凶年周恤貧乏傾廩不吝鄉有義舉樂施舍同治初年修文廟捐大錢壹百千文修郡內耆耨捐大錢五十千文諸

善事不可枚舉顏其門曰望重干城

李遇新

字丕煥由庠生恩賜五品銜遇豐弟也性孝友父歿與兄同爨事母以孝聞

兄歿養嫂撫姪雖困極而不以爲累籌兵項捐錢貳百五十干文光緒三年辦平糶捐錢五十干文前縣顏其門曰紫陞恩榮

李青雲

干言村人庠生弟興邦武生兄弟和睦忠厚待人好善慕德鄉里重之

曹殿魁

字占元郡庠生慨慷好施捨繼承祖業五世同堂

戴士衡

南關人從九品職精數學堪輿家咸推神手故臨邑顏其門曰郭璞遺風同治

初年重修文廟倡捐大錢壹百千文急公好義不可枚舉

王緒

字繼翁南關人性友愛尚義邑中修文廟捐錢壹百千歲饑周濟里黨稱之

張照湛

廩貢生慷慨好施捨邑中修文廟捐錢壹百千凡修橋建廟各出重貲

李元德

韓解村人性好施邑中修文廟捐錢壹百千周恤里黨無德色

高文

字從周庠生良村人性孝友好施予凡村中有義舉無不竭力籌辦咸以善人稱之

按邑俗矜節尚義而又習燕趙慷慨之氣其間

輕財急公正自不乏恐有隱佚未載之憾卽如

庠生王漢章修

聖廟捐錢壹百千文武解元

田廣玉監生路煥光劉步雲劉漢章民人李夢

花劉青雲等修

聖廟均出錢數千千文助工